



UKA 2017/131

8/11-2017

Justus Hansen

Qanoq iliornikkut Sarfaq Ittuup Ilulissat-niit kujammukarnermini inuit Kangaatsiaqmiut taakkulu eqqaamiui aqqusaarneqarsinnaalernissaat pillugu aaqqiisoqarsinnaanersoq apeqquteqaat aallaavigalugu oqallisissiaq.

(Inatsisartunut ilaasortaq Villy Olsvig, Inuit Ataqatigiit)

Nunatsinni angallaneq immikkuullarissuuvoq. Illoqarfiit nunaqarfiillu akornanni angalaniarutta timmisartunnikkutta umiarsuartariaqarpugut. Allat nunat amerlanersaat illoqarfiit akornanni aqqusineqarput tamaattumik angallaneq assartuinerlu pisariitsumik pisinnaasarpoq.

Uani apeqquteqaat aallaavigalugu oqallinnissamut siunnersuummi Inuit Ataqatigiit tikkuarpaat angallaneq Kangaatsiami innuttaasunut pitsaanerulertariaqaraluartoq Sarfaq Ittuup angalasarnerinik pitsaangorsaanikkut. Naluara ajornannginnersoq kisianni misissugassaqqippoq.

Manna periarfissaq iluatsillugu oqallinneq pingaarnerulaartumut saqitikkusuppara aamma naliginnaanerusumut. Demokraatini kissaatigaarput nuna tamakkerlugu angallannikkut attavigissaarnerunissaq. Isumaqarpugut timmisartunut suluusalinnut mittarfiit sananeqartut angallannikkut atugaqalernissamut alloriarnerusut pitsaasut sapinngisamik amerlanerpaat angallannikkut atugaqalernissaannut. Peqataanillinassueriutigisariaqarparput kikkut tamarmik mittarfinit nutaanik iluaquserneqarsinnaanaviannngitsut. Kangerlussuarmimita mittarfik assersuutigalugu qanoq pineqassava? Narsarsuarmi mittarfik qanoq pineqassava? Nalunarput aamma Naalakkersuisut tamanna nipaarsaaruttupilussuaat.

Uanga imminut pissaguma Tasiilami najugaqarpunga. Uangut tassani najugaqartuusugut sila naalagarilluinnarparput aamma helikopterinut teknikki Kulusummiik illoqarfitsinnut apuutissagutta. Uanga isumaqarpunga Tunumi angallannikkut atukkat pitsaannngitsut. Allaat ajorluinnartutut oqaatigineqarsinnaapput.



Aamma qularinngilara nunatta avinngarusimasortaani assersuutissanik nassaarluarsinnaassasugut aamma innuttaasut assersuutissaqassaqqooqaat angallannerup pitsaavallannginneranut. Apeqqutissatuaavorli susinnaanersugut aamma qanoq iliuuseqarfigisinnaaneripput?

Oqaatigineqareersutut neriuppunga upperalugulu aaqiissutissap ilagigaa silaannakkut angallannikkut aaqqissuussineq nutaaq, kisianni nassuerutigissavara Kangaatsiami imaatigut angallannikkut ajornartorsiutinut iluaqusiinavianngitsoq, soorlu siunnersuuteqartup uani siunnersuummini allaaserisaatut. Tassunga atatillugu isumaqarpunga Naalakkersuisut misissortariaqaraat sooq Sarfak Ittuup Kangaatsiaq avaqquttarneraa tamatumalu kingorna Naalakkersuisut nalilertariaqarpaat ajornartorsiut iluarsiniarlugu arlaannik iliuuseqarsinnaanerlutik.

Taakkuupput Demokraatit oqallinnermi oqaatigerusutaat.